

Uunga siunnersuut: KNI A/S pillugu Inatsisartut peqqussutaata allanngortinneqarneranik Inatsisartut inatsisaat nr. xx, xx 2016-imeersoq
(Ingerlatseqatigiiffissuup KNI-p suliassaasa killilerneqarnerat)
(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

Saqqummiussissut
(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

Siullermeerneqarnera

KNI A/S pillugu Inatsisartut peqqussutaata 2004-imi kingullermik allanngortinneqarnerani KNI-ip ingerlatsineranut sinaakktissat annertusineqarput, nunaqarfinni ingerlatanik ataatsimoortitsinissamut suliniummik taaneqartartup ingerlanneqarnissaa siunertarineqarluni. Nunaqarfinni ingerlatanik ataatsimoortitsinissamut suliniut piffissap sivikitsuaqqap ingerlanerani aningaasaqarnikkut sullissinikkullu pitsaanngitsorujussuarmik ingerlasimavoq, taamaattumillu nunaqarfinnut imaatigut angallasserup aamma aalisakkanik tunisassiornermik suliaqarnerup atorunnaariartuaarnerisigut suliniut unitsinneqassasoq, 2006-imi aalajangerneqarpoq.

Siunnersuummi matumani inatsisitigut sinaakktissat naleqqussarneqarnissaat Naalakkersuisut kissaatigaat, taamaalilluni taakkua Ingerlatseqatigiiffissuup KNI-p maannakkut nunaqarfiit aamma illoqarfiit minnerusut aallullugit niuerneramik sullissinermillu suliaqarneranut naapertuutunngortinneqarlutik. Taamaattumik siunnersuut malillugu suliat pingaarnert suli tassaassapput Nioqqutissanut immikkoortortami pisiniarfinni quersuarnilu tuniniaaneq aammalu Nukissiornermut immikkoortortami uuliamik nioqquteqarneq.

Siunnersuummi aamma erseqqissarneqarpoq Naalakkersuisut KNI A/S suliassanik allanik nalinginnaasumik pingaaruteqartunik, KNI-ip suliaanut pingaarnernut niuernikkut pissusissamisoorumik attuumassuteqartunik suliaqarnissaq pillugu kiffartuunneqarnissamut isumaqatigiissuteqarnissamut pisussaaffilersinnaagaat. KNI A/S-ip ullumikkut suliassanik assigiinngitsunik TELEPOST, GrønlandsBANKEN allallu niuernikkut atugassarititaasut tunngavigalugit sullippai. § 2 imm. 4-imut aalajangersakkami siunnersuutigineqartumi suleriaaseq taanna inatsimmi aalajangersaavigineqarpoq, taamaalilluni suliassat nalinginnaasut taakkua siunissami nunaqarfinni isorliunerusunilu isumagineqartarnerisa ingerlaannarsinnaanissaat annertunerusumik qulakkeerneqarluni.

Ukiut marlussuit kingulliit iluanni nunani tamalaani uuliamut niuerfimmi eqqissiviilliorneq annertoorujussuavoq aammalu uuliamut akigititat annertuumik appariartorlutik. Tamanna uuliamik tunisassianik pisisarnermut akilersuisarnermullu tunngatillugu KNI A/S-imut annertoorujussuarnik unammilligassaqaqtitsivoq. Uuliamik tunisassianik akilersuineq inuiaqatigiit aningaasaqarnerannut annertuumik pingaaruteqarpoq. Aalajangernerit uuliamik tunisassiat akiisa aalajaatsuunissaasa qulakkeernissaanut KNI A/S-imi aalajangiiffigineqartut, inuiaqatigiit aningaasaqarnerannut annertoorujussuarnik sunniuteqarsinnaapput. Naalackersuisut suliaasaqarfik taanna qanimut malinnaaffigaat aammalu suliaasaqarfiup taassuma naammattumik aqutsinikkut aallunneqarnissaa isumalluutinillu peqarfiunissaa kissaatigalugu.

§ 3 imm. 3-imi aamma 3-imi aalajangersakkamut nutaamut siunnersuuteqarnermini Naalackersuisut ataatsimeersuarnermi orsussamik niuernermit immikkoortortami ingerlatanik avitsillutik ingerlatseqatigiiffimmik nutaamik pilersitsinissaq pillugu aalajangiisinaanissaannut inatsisartuni tapersersorneqarnissaq Naalackersuisut kissaatigaat.

Avitsinissaq piviusunngortinneqassasoq siunnersuut isumaqanngilaq, kisianni aaqqiissutissaq taanna suliffeqarfimmut inuiaqatigiinnullu pitsaanerpaajusoq paasinarsissagaluarpat, Naalackersuisut inatsisartunit tapersersorneqarlutik ataatsimeersuarnermi avitsisoqarnissaa akuerisinnaagaat siunnersuutikkut qulakkeerniarneqaannarpoq.

Avitsinissaq pillugu aalajangertoqarsinnaalernissaanut tunngavissanik Naalackersuisut aamma KNI A/S-ip akornanni qanimut suleqatigiinnikkut iluaqutissartaasut ajoqutissartaasullu aammalu aningaasaqarnikkut sunniutaasussat misissoqqissaarneqarnerat ingerlanneqartussaavoq.

Taamatut oqaaseqarlunga siunnersuut Inatsisartuni piumassuseqarluni suliarineqarnissaanut tunniuppara.